

洪恩靈濟真君集福晚朝儀

洪恩靈濟真君祈謝設醮科

七

法事

各禮師存念如法

請宣神呪

五星列照 煥明五方 水星却災 木德致昌

榮感消禍 太白辟兵 鎮星四據 家國利亨

名利玉簡 字錄帝房 乘應散景 飛騰太空

出入冥無 遊宴十方 五雲得蓋 招神攝風

役使萬靈 上衛仙翁

鳴法鼓二十四通

太上玄元五靈老君召出等身中三五功曹左

右香官使者侍香金童傳言散花玉女直日

香官功曹使者三炁正神速上開啓查邊魏

趙力五大元帥共許二元帥天丁力士左右

神官以今嚴陳醮禮謹欽奉

聖旨

其諸意旨已錄上聞願得正真生炁下降流

入臣等身中今今所啓之言速達

九天金闕明道達德大仙顯靈溥濟清微洞

玄冲虛妙感慈惠護國庇民洪恩真君

九天玉闕宣化扶教上仙昭靈博濟高明弘
靜冲湛妙應仁惠輔國佑民洪恩真君通前

請稱法位

具位臣某與臨壇官眾等謹同誠上啓

九天金闕明道達德大仙顯靈溥濟清微洞

玄冲虛妙感慈惠護國庇民洪恩真君

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

聖父齊王忠武翊亮真君

聖母仁壽淑善仙妃

聖妃涇國夫人順助仁惠貞應仙妃

衛國夫人善助慈懿恭靜仙妃

聖兄唐王洪王鄂王廣陵王聖舅護國公奉

國公聖婿武安侯寧國侯聖子保大侯彰信

侯保信侯保寧侯武寧公聖姪昭德侯安定

侯太寧侯聖孫武昌侯南昌侯聖子聖孫聖

姪列位公侯唐王后明肅仙妃洪王后仁慈

仙妃郭王后順懿仙妃廣陵王后善慶仙妃

聖女冲懿仙姬明懿仙姬聖婦善懿夫人仁

柔夫人惠順夫人昭懿夫人順恭夫人明哲

夫人恭懿夫人靖懿夫人昭穆夫人慈孝夫人聖婦列位夫人上清大洞錄天機院雷寔省天文院地府諸司承行官將驅邪捉祟傳符勒法消災度厄逐凶辟怪監壇護法觀祭巡捕將軍太歲尊神十二月將本命元辰星官風雷雨部仙果左右丞相太宰少宰六部尚侍內府公卿左右佐生佐壽上宰左右司樞司福上宰左右侍從通事舍人百官庶司所屬曹僚列位公卿左右樞樞司所屬二十四司曹官典左右引進仙官內侍順成夫人

昭華夫人容華夫人修容夫人修儀夫人昭儀夫人內典婦功夫人絲系夫人覺摩夫人帳籍夫人度支夫人女府女吏列位才人女祝女御列位貴人內殿內侍內典列位聖眷夫人燕喜堂內注生司天一注生神后太一監生神后司樞司命上相夫人守胎衛房夫人保胎護命夫人左右慈訓夫人保傳夫人左右掌籍夫人掌印夫人諸官乳哺夫人抱送夫人撫育夫人托生化導神未安留守查元帥武安留守邊元帥節度使左監門魏元帥都統軍使右監門趙元帥都監軍使先鋒刀元帥五帥部下精兵猛將左右安許二元帥左右行官侍御從官司樞司勅司司書列位曹僚司農司樞典絲堂為列位曹僚司布宣資考功飭材列位曹僚厨官優官伶官天捷神捷人捷掌卜掌籤掌杯掌嚮傳奉查子神局節級直殿直符香官使者靈濟宮土地合屬威靈恭望

洪慈俯垂昭格伏以句龍能土柱能穀乃與杜稷之祠周人尚臭商尚聲以通神明之德豈攝牲特為之血食然頻煩可薦於王公聖而不知是謂之神神而能明乃入於聖恭惟九天金闕明道達德大仙顯靈濟濟微洞玄冲虛妙感慈惠護國庇民洪恩真君九天主闕宣化扶教上仙昭靈博濟高明私靜冲湛妙應仁惠輔國佑民洪恩真君正直為德禍福動人潛地而地潛天而天莫測威靈之妙曰暘而暘曰雨而雨獨專造化之權赫赫厥聲洋洋知在上佐斗真於北極默奉玄學於東華與道合真惟神是守名登金闕榮顯三十二字之封道契丹臺深得五千餘言之旨隨機赴感發誓度人既蒙覆育之恩敢昧謝祈之典恭迎法駕為米降道場或服仙珮之踰蹕八鸞後唱或衣朝衣之濟濟百騎前迎上下之仙春森羅左右之靈官擁衛酒陳菲禮德馨芹誠眾等無任勤拳奉迎具馭

請兩班
請聖

恭奉散花

鶴駕臨軒請陞懸座官衆上香酒陳初獻恭聞仁義著稱枝葉分假王之裔忠武不屈替纓製齊國之封仁聲聲著於閭中德譽遠聞於海內勒名鐘鼎立傳史書出戌於峽江之南吏兵之安堵如故立幟於鼇峰之上盜賊之餘黨勦除頓今福地之安均荷先天之賜恩敢忘於結草詩可詠於甘棠死廟食生封王可謂至矣德施民勞定國于今標之青鳥草木效公山之靈今也田疇息洪水之害民胎漱石果聞黃旗救援之聲鄰火返風永

無曲突焦爛之患嘉定之蝗蟲不入境實慶之旱魃不為災紅蛇見而雨沛九天神龍起而雷轟萬里無跡可見夜何見於天燈無聲可聞日何聞於絲竹事跡千年留石碣王封累代侈金書致士民千里以來歸宜香火四

時而寅奉惟德是輔宜圖泰稷之馨非類不歆特重柔盛之潔建功積善執戒清齋若非上格於天心何以超陞於仙秩欽承

帝命仰沐玄風特書金闕玉闕之名頒降大仙上仙之號道吾道也德吾德也化神化之教神教之不惟誇一時而榮一身抑亦光乃前而振乃後親睦是教無善有堂上瞻聖父聖母之尊嚴下列聖子聖孫之富貴聖舅名登於紫府聖兄廟食於金陵神后夫人專掌注生之籍聖妃仙眷環居內侍之班或分福祿之司或任公卿之職權尊五帥勇冠三軍乃武乃文在左在右廟鎮七閩之地其甚威茂以加諸德參五嶽之靈非至聖孰能與此其等席神之庇遺我以安一飲一啄初不敢忘三沐三薰敬之如在祇迎寶馭少鑒卑人

齊事之勤爰集羽流敢獻碧落空歌之瑞
等百拜恭祝

當今皇帝億載萬年為父母保子姓以安全千祿百福宜君王昇皇圖而永久其等欽承惟謹敢乞宣行所有誠詞謹當宣奏

宣詞

按如詞旨已具敷宣伏冀仙慈俯垂省覽恭聞捍禦災穰特嚴於祀典報功崇德職宜進於仙階存膺金闕之經書榮侍玉皇之香案三氣吐納深究出青入玄之方七液周流有得回紫抱黃之妙在身為獨善之美於人施兼濟之功所感必通無求不應救民疾苦何須扁鵲之方卜地陰陽照授景純之學問婚者宜家宜室祈嗣者生子生孫求仕者勸之以忠孝立身行商者告之以仁義為利農力於耨工精其能近者悅而遠者來願諸仁而藏諸用皈心嚮道皆蒙啓迪之恩戴髮垂髯俱托悃悃之庇以今等欽承
聖旨用建醮因答謝真麻祈教景貺伏願
聖德凝純

神功丕著九天錫慶來浩浩之福源二景齊明開魏魏之壽域百昌均被庶績咸熙眾等設拜上香酒陳亞獻

知聲舉散花

伏聞一片羅池碑終古難磨其英氣千年來

華洞至今孰紹於真風洪惟守土之神積此彌天之行骨像合仙於廣惠文章並駕於柳侯若非星宿之儲精必也山川之孕秀有詩歌賦頌之可述須嚴大書特書至於屢書言吉凶禍福以無差未免初瀆再瀆煩于三瀆灼見顯幽之理預明倚伏之機親重而威畏之如嚴霜烈日道高且遠仰之如北斗泰山威德昭昭皇靈剡刻以今等欽承

聖旨崇建寶齋昭答靈麻祈教景貺伏願皇圖鞏固並山嶽以同堅

聖體裕安等乾坤而齊永六官恒吉萬國咸寧東等設拜上香酒陳終獻

宣狀

送聖

伏聞覽峰傑傑可攀天上之星辰龍首軒昂

師作人間之雨露良以感恩於平日將何酬報於今時請供載陳愧之玉饗金醴仙家所茹無昨大菓交梨今則寶篆香殘銀缸焰冷星冠羽服步虛遠徹於瑤宮霧縠雲耕隊仗將旋於金闕徒切馳情於戀戀更祈降福以穰穰衆等虔誠拜奉送

送神

復爐

香官使者左右神君侍香諸靈官當令設醮之所自然生金液丹碧芝英百靈衆真慶會在此香火爐前當願宸衷享達真鑒無遺十方仙童玉女接待香煙傳旨向來所啓之言速達徑御九天金闕明道達德大仙顯靈降濟清微洞玄冲虛妙感慈惠護國庇民洪恩真君九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君聖前

洪恩靈濟真君祈謝設醮科

洪恩靈濟真君願文序

壹八

願者真人之願也亦人之所願也一跪一拜心之專也心之專善之至也人性之善猶水就下也不善不改是吾憂也此願所以爲善者設是宜徒願文乎哉仰觀於天得數二十五脩法於地得數三十合而言得數五十五蓋因此數得以成其願若非與天地同功安能至此善人天地之紀也苟有一毫矯偽慢怠之意非吾之所謂願也其可與善者同日語耶傳曰善無常主協于克一此無他始於是終於是不以平塗而自盡斯爲盡善而盡美也善者福之基福者善之積唐高郵有言積善以致福不費財以求福福既可以以不費財而求則爲善者可曰費財乎見善以相示聞善以相告凡吾同志當以此自相勉勵庶無愧於天地亦無愧於真君此又真君之大願也

洪恩靈濟真君禮願文

以今恭焚寶香虔誠供養

九天金闕明道達德大仙顯靈博濟清微洞玄冲虛妙感慈惠護國庇民洪恩真君九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

靈濟宮中神仙諸靈官普同供養

恭聞神之顯德曰正直而曰聰明人所常情欲安逸而願富貴祭之必受福也禮其無太簡手廟食餘四百年香火如彼其盛碑銘凡一千字文章可得而聞昭昭不朽之名凜凜如生之義功全社稷德在生靈震力於耕有泰稷稻粱之慶工精其藝合準繩規矩之程士以忠孝立身商以仁義爲利問婚者宜家宜室祈嗣者生子生孫風風人雨雨人均遂生成之願衣我食我俱沾溫飽之仁施之萬物得其宜措之四時得其序仰之如太山北斗厥光大矣不我遐遺現則爲景星慶雲爭先覲之以爲快樂宜受大禮以宣厥靈昔膺勅額之榮今荷天恩之寵位既登於金